



DEKLARATA E TË DREJTAVE

I dorëzohet një personi të vendosur në ndalim të përkohshëm pas një urdhri për paraqitje në gjyq

Ju jeni vendosur në paraburgim të përkohshëm nga gjyqtari (i lirive dhe ndalimit) pasi që jeni dërguar në gjykatën penale ose gjykatën e krimeve të rënda. Ky dokument rikujton të drejtat kryesore nga të cilat ju përfitoni dhe informacionet kryesore që duhet t'ju jepen.

Ju mund të ruani këtë dokument gjatë gjithë kohëzgjatjes së paraburgimit të përkohshëm

Njohja e shkeljes dhe e datës së gjykimit

Ju keni të drejtë të njihni cilësimin, datën dhe vendin e kryerjes së veprës penale për të cilën ju jeni akuzuar. Data e paraqitjes suaj para gjykatës kompetente duhet t'ju komunikohet nëse ajo është caktuar.

Asistenca nga një avokat

Ju mund të kërkonti të asistoheni nga një avokat i zgjedhur prej jush ose i caktuar automatikisht.

Ju jeni i lirë të komunikoni apo të jeni në kontakt me shkrim me avokatin tuaj dhe ky i fundit mund t'ju asistojë në të gjitha paraqitjet tuaja para gjykatës për të cilat ai duhet të lajmërohet. Ai mund të shqyrtojë dosjen tuaj.

E drejta për të ruajtur heshtjen

Gjatë paraqitjeve tuaja para gjykatës, ju mund të zgjidhni të jipni deklaratën, t'i përgjigjeni pyetjeve që do t'ju drejtohen ose të heshtni.

Asistenca e përkthyesit

Nëse ju nuk e flisni apo nuk e kuptoni frëngjishten, keni të drejtën të kërkonti asistencë falas nga një përkthyes gjatë marrjes suaj në pyetje dhe për të komunikuar me avokatin tuaj.

E drejta për të kërkuar lirim tuaj

Në çdo moment mund të kërkonti lirim tuaj. Kjo kërkesë do të shqyrtohet nga gjykata penale nëse ju jeni nën hetim për një krim të lehtë dhe nga dhoma e hetimit nëse jeni i akuzuar për një krim.

Kohëzgjatja e heqjes së lirisë

Në bazë të vendosjes suaj në ndalim të përkohshëm, paraqitja juaj përpara gjykatës duhet të ndodhë brenda dy muajsh nëse jeni dërguar përpara gjykatës penale dhe brenda një viti nëse jeni dërguar përpara gjykatës për krime të rënda.

Informacion i disa personave

Ju keni të drejtën të informoni personat që ju dëshironi, dhe sidomos anëtarët e familjes

suaj, për ndalimin e përkohshëm, subjekt i të cilit ju jeni.

Ju gjithashtu mund të informoni autoritetet konsullore të vendit tuaj nëse keni kombësi të huaj.

Vizita nga një mjek

Ju mund të kërkoni të vizitoheni nga një mjek.

Qasja në dosjen tuaj

Ju keni të drejtë të merrni një kopje të dosjes së procedurës, nëse është e nevojshme në formë elektronike.